

◎ 智眼

《佛學大辭典》

（術語）智能見事物，故名眼，智即眼也。又智之眼也。謂非肉眼也。唐華嚴經六十一曰：「善知識者，則是趣向一切智眼。」成實論十九曰：「智慧現在前，猶明眼見色。」

◎ 五眼

《三藏法數》〔出大智度論〕

眼，即照燭之義。瑜伽師地論云：能觀眾色，故名為眼。眼是總名，從用分別，則有五種。

一 肉眼。肉眼者，假父母氣血所成也。即人中能見之眼，見近不見遠，見前不見後，見內不見外，見晝不見夜，見上不見下，因有色質障礙故也。

二 天眼。天眼者，謂諸天因修禪定而得也。此眼遠近前後內外晝夜上下皆悉能見，以無色質障礙故也。

三 慧眼。慧眼者，謂二乘之人，以所得慧眼，觀一切法皆空，不見有眾生相，及滅一切異相，捨離諸著，不受一切法也。（二乘者，聲聞乘、緣覺乘也。）

四 法眼。法眼者，菩薩為度眾生，以清淨法眼遍觀一切諸法，能知能行，謂因行是法，得證是道，亦知一切眾生種種方便門，令修令證也。

五 佛眼。佛眼者，謂具前四眼之用，無不見知。如人見極遠處，佛見則為至近。人見幽暗處，佛見則為顯明。乃至無事不見，無事不知，無事不聞，聞見互用，無所思惟，一切皆見也。

◎ 十眼

《佛學大辭典》

- 一 肉眼，見一切之色故。
 - 二 天眼，見一切眾生之心故。
 - 三 慧眼，見一切眾生之諸根境界故。
 - 四 法眼，見一切法之實相故。
 - 五 佛眼，見如來之十力故。
 - 六 智眼，見諸法故。
 - 七 光明眼，見佛之光明故。
 - 八 出生死眼，涅槃故。
 - 九 無礙眼，所見無礙故。
 - 十 一切智眼，又曰普眼，見普門之法界故。出於華嚴經離世間品。
- 是由前五眼中法眼開出智眼，自佛眼開出光明眼無礙眼一切智眼而成為十眼也。